

Panganod

Gardeopatra Quijano

Kang *BERTA REGNER* sa *Sugbu*

Nakita ko ang panganod,
Naglawig sa kahitas-on,
Sa hangin gianodanod--
Tulin, dakug kagawasan.

Ang panagaway mabalhinom,
Usahay nipis unya baga,
Sa mga bituon motabon
Ug sa bulan makighagwa.

Mopaibabaw sa tubig,
Salikban niya nag adlaw ;
Ang dagat usab mosablig
Ug moingon : "ayaw paglakaw".

Apan walay makahawid,
Walay mkagapus kaniya :
Tabunan niya nag bukid,
Pahilakon niya kita.